



Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.13. Expeditionum sacrarum commoda temporalia.

[urn:nbn:de:hbz:466:1-66255](#)

§. XIII.

*Expeditionum sacrarum commoda
temporalia.*

Ad bella sacra harum regionum septentrionalium ut redeam, metuo, ne utilitas temporalis parem aut majorem partem quam Religionis studium ibi habuerit. Nam summi Pontifices Equiti- *Hist. lib. 80.*
bus Teutonicis dominatum dederant sum-
mamque potestatem in omnes terras,
quas ethnicis possent adimere. Non hic
examino, quodnam in eas jus Papa pos-
federit, aut quae necessitas prefficerit Equi-
tes, ut his ille, quae armis acquirerent,
adjudicaret. Factum duntaxat obervo,
dicoque, timendum esse, ne hi Equites
suæ dominationis incrementum potius
quam fidei propagationem quæsierint.
Credo facile, Religiosos, qui sacram sua-
debant militiam, ac neophy whole erudie-
bant, rectam intentionem fervoremque
sincerum habuisse. Sed graves lego que- *Lib. 81. §. 2.*
relas de Equitibus, qui hos novos Chri-
stianos ad quandam servitutem redigen-
do reliquos ab amplectenda fide averte-
bant, ita ut per arma sua obessent Reli-
gioni, pro qua ea sumpferant. Vide in-
ter alia præscriptum Legati Jacobi Pan-
taleonis An. 1349. editum. Terræ sic
ethni-

ethnicis eruptæ Borussici tandem ac Cura-
ronici Ducatus titulum obtinuere.

Hist. lib. 83.

§. I.

Etiam expeditiones pro terra sancta
progressu temporis in negotia temporalia
degenerarunt, quibus Religionis causa
solum prætexebatur. Illæ præter regna
& principatus armis comparatos produ-
xerunt effectus minus splendidos, sed
solidiores, scilicet incrementa navigatio-
nis & commercii, quæ Venetas, Ge-
nuam, cæterasque Italiæ urbes mariti-
mas fortunis cumularunt. Expeditio-
num primarum experientia ostendit in-
commoda terrestris itineris quingentiarum
sexcentarumve leucarum, quas vocant,
occupandæ Constantinopolis & Anato-
liæ gratia. Susceptum est iter marinum
multo brevius: & sacri milites pro ratio-
ne regionis, e qua veniebant, in Provin-
cia seu Saluviorum agro, in Catalonia
in Italia, vel in Sicilia naves confen-
derunt. In cunctis portubus navium &
apparatus copia opus erat ad devehen-
dos tot homines ac equos cum instrumen-
tis bellicis & commeatu. Sic navigatio-
ne maris Mediterranei, quod Græci &
Arabes per multa secula possidebant, po-
titi sunt Franci, quibus victoria facro-
rum militum arma tutam reddiderant li-
bertatem commercii, quantum ad Græ-
ciæ, Syriæ, ac Ægypti, &, quod con-
sequi-

sequitur, Indiæ merces attinebat, quæ in Europam per alias vias nondum ad- vehebantur. Hac ratione divitiis auctæ creverunt potentes Respublicæ Veneta, Genuensis, Pisana, & Florentina. Nam præter portus florentes urbium artes ac opificia amplificabant commercium.

Non autem dubito, quin tam grande *Gesta Des- lucrum ad continuandas expeditiones sa-*
per Fran-
cras servierit: quod demonstratum cre-
do in Veneti Sanuti opere, cui titulus:
Arcana fidelium Crucis: ubi tantopere
studet persuadere Papæ Joanni XXII. cu-
randam Terræ sanctæ recuperationem:
hæc enim nondum desperabatur, et si
reapſe nulla amplius expeditio sacra illuc
fuscepta fuerit. Etiam privata commo-
da consideratu digna erant ob grandia
sacrorum pugilum privilegia. Gaude-
bant Ecclesiæ præsidio, securi a vexa-
tionibus creditorum (qui nihil ab eis us-
que ad ipsorum redditum postulare pote-
rant) & liberi ab usuris. Erant velut
homines sacri: in anathema latæ senten-
tiæ incurrebat, quisquis vel ipsos, vel
eorum bona invadebat. Et quia non-
nulli hac immunitate sua ad retinendum
bonum alienum, ad quærendam crimi-
nūm suorum impunitatem, vel ad com-
mittenda nova abutebantur, his malis
meden-

Hist. lib. 77.
§. 17.

Hist. lib. 80.
§. 4. 59.

medendi necessitatem pluribus conciliis imponebant.

Ultimum bellum sacrum executioni datum erat illud, in quo S. Ludovicus ad Deum excessit, & cuius modicum effectum videbimus. At non propterea omisæ sunt hæ molitiones etiam post Palæstinæ jacturam, quæ viginti post annis contigit. Per totum reliquum seculum XIII, & decimi quarti partem magnam continuatæ sunt exhortationes ad studium recipiendæ terræ sanctæ, & ad decimas hunc in finem aut hoc sub obtentu colligendas, quæ in alia bella secundum destinationem summorum Pontificum & Principum autoritatem insinueruntur. Amplius est seculo, quod hic error sit depositus: ac de bello ethnicis inferendo nulla jam mentio fit præter quam in votis quorundam authorum Religionis studio magis quam sapientia insignium, & in prædictionibus poëtarum Principibus adulantium. Homines prudentes atque per experientiam præteriorum & per rationes hac in dissertatione tactas eruditi facile vident, his in molitionibus secundum temporalia æque ac spiritualia plus damni quam compendii factum esse.

§. XIV.